

人物宦績

蔣光斗

武進陽湖縣志
主



人物

宦績

國朝

劉光斗字暉吉明天啟五年進士官浙江紹興府推官多雪冤獄
時海寇劉香橫海上巡撫知其能檄光斗討平之攝會稽諸暨海
潮壞岸築石塘圩岸衛之擢御史彈劾不避權貴

大兵南下豫王擇人安撫以光斗安撫常州民皆安輯時撫蘇州
不得人幾致變賴光斗調護得全經略洪承疇疏薦可大用格於
吏議左遷行人頒

詔閩中巡按某性剛暴薦紳士民每以疑似陷大戮光斗反覆開
諭多所救免典辛卯科廣西鄉試得疾道卒縣人請建仁賢祠祀
之次子履旋字旋九順治四年進士除戶部主事歷郎中改知瓊
州府禁苛派革耗羨察奸宄民賴以安營卒以鎮將緩餉譁履旋
諭之立散去後知保定府治獄多平反趙夏以強姦誣婦夫竊李
岐山殺僧俱資緣將免卒論如律白新城安肅盜案內高瑞徵等
寃釋容縣獄孟家林等九人時有清如水明如鏡執法如山之謠
後移疾歸性剛正蔭藉高華而自奉如寒素尤篤風義任瓊時歸
儋州知州同縣陳震祥喪償知縣王都虧帑嫁其孤女年七十五

卒

莊應會字春侯明崇禎元年二甲一名進士歷禮部郎中福建提學副使順治初以薦舉補江西參政金聲桓亂遠近披靡應會不爲動得間奔大將軍譚泰營具言賊可殲狀事平以軍功遷右布政十年入覲

召詢利弊應會卽具疏請汰袁瑞兩府浮糧大概言瑞州加糧起於陳友諒之竊據袁府加糧起於歐晉祥之失察積漸因循遂至浮糧十萬永貽民害此新朝所當釐正者也疏入奉

俞旨三百年弊政遂革十二年移四川左布政尋晉刑部右侍郎應會兄弟五人皆仕俱字侯鄉里稱爲五侯家云子京生語在孝友同生朝生在文學

莊應詔字宜侯性孝友侍父疾匝月不寐明崇禎十二年鄉試副榜知廣東興甯縣順治三年冬惠潮山賊竊發郡縣皆瓦解應詔集民兵繕器械躬自帥戰衣不解帶者五月除夕亦坐卧城上士民感奮糧匱而守禦不解援兵至賊竄去赴部改授道經江西值金聲桓叛大將軍譚泰知其才疏授瑞州推官未幾歸興甯民建祠祀之子有筠名弼孫搢曾孫清度俱進士

呂宮字長音順治四年一甲一名進士授秘書院脩撰

世祖章皇帝召館臣親試宮條對請建常平倉及試君子懷德論稱

上意傳諭云呂宮文章簡明氣度嫻雅朕所親見擢侍講學士尋

請停江浙白糧民解及簽點機戶皆報可一日

上在海子命諸大臣集高阜使甲騎環阜馳捷衝而上將及顛眾皆驚怖失色獨宮端立不動而甲騎亦遂止

上曰呂宮氣度過人於此可見十二年乞休加太子太保賜馳驛歸逾年

上遣使存問賜羊酒先是御史郝浴巡按陝西以劾吳三桂不軌革職宮保留浴并鐫三級後三桂果叛人追思宮爲知言家居凡十年里中不知有相國卒

諭賜祭葬

須兆祉字介繁性友愛睦於親族貧者恆周給之順治四年進士由工部備兵陝甘厯著勞績

賜鞍馬金帛邊地多警以勞卒官祀名宦

馮達道字惇五順治四年進士厯官河東運使爲戶部郎中時江西藩司應

詔論及袁瑞二府三百年應蠲未蠲之浮糧疏下部議達道曰此千載一時也偕同官力議請蠲堂官以軍需孔亟爲嫌達道固請始入奏達道每夜焚香於庭爲民乞命七日果得

俞旨

季芷字蘭如順治四年進士授福建福州府推官清勤奉職時

眾脅從解散剖疑獄懲刁誣歷兼縣事案無留牘遷刑部主事

董大嗣字清貽孝友能文章順治四年進士浙江鄞縣知縣時海氛未靖以舟山爲窟巨舟往來窺定海關大嗣率丁壯禦之寇不敢逼以暇課士多所造就三年罷官復起天台知縣天台處萬山中賊首周欽貴等踞羅城巖爲民患大嗣練鄉勇謹斥堠屢蹙之遂降巡撫有十年逋寇一旦肅清之疏得優敘後罷歸

吳守宋字其凝順治四年進士授湖廣房山知縣五閱月有殊績以才堪治劇改授江西金谿知縣時餘醜未靖守宋嚴保甲練鄉勇盜悉解散民安農桑復葺學舍親校課品其甲乙諸生前後登

科第爲合省冠註誤罷職尋以薦補河南杞縣杞故衝要驛馬散
牧爲民病守案悉命歸官廩墾地七千八百餘頃民食以饒以阜
異擢行人厯知江西瑞州府治稱廉平子邇立字在安以例貢授
江西定南知縣邑僻處山陬疊遭兵燹城中不滿四十戶署地帑
虛令率不逾年去邇立慨然曰是豈不足爲政耶招徠流民芟夷
墾闢物產日豐民始知有室家樂進生徒督課文風漸開始有舉
鄉試者在任十八年遷浙江杭州府同知

徐可先字聲服順治四年進士授直隸束鹿知縣有平盜功改任
龍泉造石梁五百餘丈以濟行旅禁溺女崇學校民俗一變遷刑
部主事厯山東提學

流羨溢延望招流亡闢荒土循視諸水道及故溝之可攷者凡百數十相其緩急先後治之使旱有所蓄澇無所溢居民行旅便之毀淫祠數十以料物葺學校書院建孔子廟於蔡溝伏羲廟於著臺以及漆雕開祠蔡仲之廟凡九年百務具舉邑大治民建生祠祀之後遷浙江衢州府卒

董異祥字志潔順治六年進士少孤性孝初令陝西紫陽地無署無民招集撫綏完城郭備戰守遂成下邑逾年丁母憂服闋補陝西鳳翔知縣遷甘肅平涼府同知郡爲邊徼有荒地額糧累民歲至二千八百石力請上官奏免人德之擢兵部職方主事尋謫光

祿署正卒異祥敦氣誼傾吐肝膽人無賢愚事無大小一處以至誠故人敬慕追思之卒僅四十餘子佩笈字帖瞻少穎悟九歲通左氏春秋父喪以孝聞康熙二十一年進士知浙江海鹽縣愷悌神明民間稱老佛擢戶部主事厯官四川川東道時當軍興籌畫供具略不擾民重慶舊無船行有白制府建立者非民意嚴督之數萬人鼎沸罷市數月總督年羹堯檄兵往勦軍士環甲促上道佩笈集僚屬議曰此曹非爲亂者少緩之可撫而解安用糾糾者爲語總兵駐兵牙門單騎往諭眾立散繫其渠責遣之力言船行不可立無爲言利者所誤時羹堯頗擅威福附之者多顯擢屢欲引薦堅辭之乞休歸羹堯敗諸人以黨籍得罪眾始服其先見居

吳南岱字泰巖順治六年進士由刑部郎中授江西袁州知府調
濟南擢江西督糧道方在袁州時右藩莊應會請汰袁瑞二府浮
糧方下部議南岱備陳二郡糧額加重之由及民疾苦狀卒汰袁
州浮糧十一萬石有奇瑞州稱是當國家新造南岱在袁日久招
集流亡營籌饋餉百廢具舉民懷其惠立去思碑頌之

沈搏上字扶雲安西鄉人順治六年進士授廣東惠州知府時粵
氛未靖搏上隨征參贊軍務督運糧餉披堅執銳親冒矢石事平
抵任民散田荒竭誠撫馭民漸安戢未期月沒於任年三十七無
子士民哀慟當道者念搏上勞勩奏請官其父繼志爲樂昌教諭

尋改廣州府教授亦卒於任父子均祀惠州名宦

吳來儀字瑞虞通判欽曾孫順治六年進士選授江西新淦知縣
江西自金聲桓變後所在多盜出沒剽掠新淦樂安永豐諸邑尤
甚官軍不能治來儀請以廣地用大軍狹地用鄉勇誅巨寇而赦
脅從則賊易破如其策賊竟滅陳剔弊興利八事調福建古田新
淦民勒去思碑繪攀轅圖以誌其愛古田處萬山中無兵乃練鄉
兵防守山盜海寇合攻勢張甚來儀率鄉兵登陴固守四十九日
不解甲擒僞總兵林新木梟僞總兵林仙球林仙養等招撫僞總
兵程有道等八人令僕爲丐狀踰城告變巡撫發兵至古田復安
事聞授部員未行坐事歸流寓無錫江陰間徒行疏食數十年無

卷三十二 人物 宦績

所至有政聲

楊兆魯字泗生號青巖順治九年進士歷官江西建南道參議有賢聲在刑部時條奏五事一請訂正條例一盜劫不宜分滿漢一科抄覈擬宜立限責成一請讞獄勿留滯一請矜恤獄囚時初下熱審令法司遽奏處決重犯兆魯曰是熱審非議緩死趨人死也上書論之提學江西請留踰額生一千八百餘人官閩中賊巨盜民以安謝病歸子世求貢生內閣中書舍人博雅工詩

岳鍾淑字天陶順治九年進士浙江仁和知縣縣多屯兵養馬需數十萬金鍾淑請於上官撥餉協濟兵民安之以憂歸服闋補永定縣邑有公費鍾淑盡卻之積逋以清考選吏部尋告病歸

効不避權貴莊頭劉七倚勢恣橫奏寘之法旗民肅然巡視陝西
茶馬前任按茶筴馬匹數自取什之二商販不前馬額缺乏之漸
至禁除陋習勒條約宣示不苛不擾遠邇稱便以事被劾削籍事
雪復官自以性剛寡諧徑歸徜徉林下年八十八卒子維樾字松
年康熙八年舉人直隸武邑知縣懲蠹輕徭多實政輯舊聞著書
名逸林維楫康熙五年舉人湖北鍾祥知縣裁兵夏包子叛大軍
水陸兼進維楫籌餉安民秩然有法上官倚重焉

楊大鯤字陶雲父廷鑑語在文學大鯤好學強記順治十六年進
士改庶吉士左遷江西新建縣丞才氣儻葛屢攝縣事時方用兵
糗糈芻茭宿峙立應分守江防綜理戰艦糧餽倥傯中籌畫裕如